

## **Pol ndê bapia tilu-nga têŋ Timoti Yom whê bapia dindéc sa-nga**

Pol ndöc gapocwalô ndöc Rom, ma kêsahê bu ŋasawa saun oc sêndic in ndu, dec to ndê bapia tilu-nga dindéc têŋ Timoti. Pol tac whin Timoti ndu andô, ma to bapia dindéc bu puc in dôŋ bu lhac ŋaŋga, ma maya dau me töc dau dom bu hoc ŋawaê ŋayham asê. In tac whin bu Timoti lhac gitôm Yisu ndé ŋac siŋ-nga ŋayham dan. Ma Pol gêm la Timoti bu yob dau tu métê sac tidau-tidau nan oc êŋsôwec tiatu têŋ têm ŋambu-nga, ma kêŋ puc in pi kédôhônwaga tasan.

### *Pol gic hu ndê bapia*

<sup>1</sup> Aö Pol, nan gati Yisu Kilisi ndê †aposel kêkuc Anötö ndê atac whin. In gic bata bu lau nan sêkêŋ whin Yisu Kilisi oc sêtap sen sêndöc tali-nga sa, dec kêyalin aö sa gati aposel, bu wahoc yom dau asê têŋ lau. <sup>2</sup> Gato bapia dindéc têŋ aneŋ atuŋgac tac whin-nga, am Timoti. Mwasin ti tawalô ma yom malô akêŋ Daman Anötö lu yac neŋ Pômdau Yisu Kilisi têŋ am.

### *Pol puc Timoti dôŋ*

<sup>3</sup> Aö gam akin Anötö tôm daman sêkôm, ma galhac in anŋô-nga ti atac pa su tu aneŋ lêŋ-nga. Ma tôm ôbwêc ti acsalô, aö gauc gêm am yêc aneŋ mbec ŋalôm, ma aö gam danŋe Anötö tu am-nga. <sup>4</sup> Aö gauc gêm ndoc nan hêclu dahu dauŋ siŋ, ma am

tañ. Tu dinañ-nga aö tac whiñ bu walic am tiyham, oc kôm aö atac ñayham sa. <sup>5</sup> Ma aö gauc gêm am nem lêñ kêñ whiñ ñañga-nga. Aö kayalê bu am nem pômwê Lois lu dinam Yunis sêkêñ whiñ ñañga, ma gakêñ whiñ bu am kêkuc iñlu si lêñ. <sup>6</sup> Tu dinañ-nga dec aö bu waterñ am bu gauc nem Anötö ndê mwasiñ nañ am kôc têtñ ndoc aö gakêñ amañ sac am. Lhac ñañga ma kôm gwelenñ ña mwasiñ dau ña-ñaclai, gitôm am kôm ya golom tiatu. <sup>7</sup> Anötö kêñ ndê Ñalau têtñ yac, ma bocdinañ dec datöc dauñ tu sake-nga? Iñ kêñ ndê Ñalau tu kêñ ñaclai têtñ yac, ma tu dambo ti mêtê atac whiñ lau-nga, ma dayob dauñ neñ lêñ-nga.

<sup>8</sup> Bocdinañ mayam daôm tu hoc yom asê pi yac neñ Pômdau-nga dom. Ma mayam tu aö gandöc gapocwalô tu iñ-nga dom. Mba! Lhac ñañga whiñ aö ma hêclu dahôc ñawapac tu Yisu ndê ñawaê ñayham-nga, tôm Anötö dau kêñ ndê ñaclai bu puc hêclu dôñ. <sup>9</sup> Iñ gêm yac si ma kêgalêm yac sa bu dasa iñ ndê lêñ dabuñ. Iñ kôm gêñ dau tu yac neñ ñayham dañ-nga dom. Magoc iñ kôm tu iñ dau ndê mêtê atac whiñ ti êmwasiñ yac-nga. Têtñ têtñ iñ kêñ undambê ti nom su dom, nañ iñ kêmatiñ yom tidôñ bu êmwasiñ yac tu Yisu Kilisi-nga. <sup>10</sup> Ma yac neñ †Ngac Nem Yac Si-nga Yisu Kilisi meñ hóc asê nom su, dec Anötö ndê mwasiñ dau meñ tiawê. Ma ñawaê ñayham têtñ asê bu Yisu Kilisi ku ñaclai dambac ndu-nga dulu, ma iñ ti yac neñ señ dandöc tañli ñapañ-nga. <sup>11</sup> Ma tu ñawaê ñayham dau-nga, dec Anötö kêyalinñ aö sa gati ñgac ahenñ-nga ma aposel, ma kêkinñ aö bu wandôhônñ lau. <sup>12</sup> Tu dinañ-nga dec gahôc ñawapac dindec. Magoc aö mayañ

daun dom, galhac ti atac pa su. Nahu bu aö gakêñ whin Yisu Kilisi, ma aö kayalê in tidôn. Ma gakêñ daun ti neñ gêñ hon sip in amba, ma gakêñ whin bu in gitôm bu yob ñapep e bêc ñambu-nga.

<sup>13</sup> Yom ñandô nañ aö kadôhôn têt am, nañ kôc dôñ gitôm dôhôn ñayham bu êndôhôn têt lau. Ma lêt dakêñ whin-nga ti atac whin asidôwai-nga, nañ gic lau sêkêñ whin Yisu Kilisi-nga ñawaê, nañ am sap dôñ ñanga. <sup>14</sup> Nalau Dabuñ nañ mbo yac lau dakêñ whin-nga neñ ñalôm, nañ puc am dôñ bu yob yom ñandô dakêñ whin-nga nañ aö gakêñ sip am amam su.

<sup>15</sup> Am kêyalê bu Pigelas lu Hemogene ma lau Esia-nga hon nañ sêmbo malac Rom, nañ sêhu aö sin su. <sup>16</sup> Magoc aö wateñ Pômdau bu tawalô Onesiporas ti ndê gôlôwac hon, ñahu bu in gêm aö sa tidim daêsam. Ma in maya tu aö gandöc gapocwalô-nga dom. <sup>17</sup> Têt ndoc in hôt asê malac Rom, nañ kêsalê aö ñanga e tap aö sa. <sup>18</sup> Ma am kêyalê su bu têt ndoc aö gambo malac Epesas, nañ in gêm aö sa daêsam. Tu dinan-nga aö wateñ Pômdau bu tawalô in, ma nem in sa têt bêc ñambu-nga.

## 2

<sup>1</sup> Bocdinañ aneñ balê, lhac ñanga tôm Yisu Kilisi ndê mwasin puc am dôñ. <sup>2</sup> Yom nañ aö gahoc asê yêc lau daêsam anğô-nga, nañ am ngô su ma kêyalê. Kwahic dec aö bu wasôm têt am bu êmyalin lau ñatô sa, nañ sêsap Kilisi ma yom ñandô dôñ ñanga, ma êmdôhôn yom dau têt ñac e sênyalê tidôn, goc sêkôm gwelen sêwhin am ma sêndôhôn lau ñatô.

<sup>3</sup> Lhac ñanga ma hôt ñawapac whin yac, tôm Yisu

Kilisi ndê ngac siŋ-nga ŋayham dan. <sup>4</sup> Ngac siŋ-nga ŋayham kôc gauc pi in ndê gwelen ndic siŋ-nga ŋapan, ma hêgo dau tu gêŋ ŋatô-nga dom. Nahu bu in bu kôm gêŋ hoŋ tôm in ndê ŋadau tac whin. <sup>5</sup> Ma ŋalêŋ tigen, asa nan kêti whin lau nan sêti tu sêhôt gêgêlêc dandi-nga, nan kêti kêkuc ŋagôlin solop. In bu êŋkuc ŋagôlin dom, dec oc tôm dom bu in kôc ŋaôli nan gic waê ngac ŋamata-nga. <sup>6</sup> Ma ŋalêŋ solop bu ngac gwelen andô kôc gêŋ ŋandô tu neŋ-nga yêc ndê ôm tiŋamata. <sup>7</sup> Kôc gauc pi aneŋ yom hoŋ dindec, bu Pômdau oc whê am nem gauc sa pi yom dau nahu.

<sup>8</sup> Am bu hôt ŋawapac, dec gauc nem Yisu Kilisi nan sa akêŋ Dawid ndê toŋ, nan Anötô uŋ in sa akêŋ lau batê-nga. Nawaê ŋayham nan aô gahoc asê, nan nahu in dau. <sup>9</sup> Tu nawaê ŋayham dau-nga, dec gahôt ŋawapac ma sêsô aô dôŋ ŋa sen gitôm ngac sac dan. Nac sêsô aô dôŋ, magoc oc tôm dom bu sêsô Anötô ndê yom dôŋ. <sup>10</sup> Aô galic ŋayham bu wahôt ŋawapac, tu bu wanem lau nan Anötô kêyalin ŋac sa muŋ su, nan sa. Aô bu watôt seŋ têŋ ŋac bu sêtap Anötô ndê mwasin nem ŋac si-nga sa tu Yisu Kilisi-nga, ma sêndöc tali ŋapan yêc Anötô ndê gamen ŋawê-nga.

<sup>11</sup> Yom dindec in yom ŋandô solop:

Yac bu dambac ndu dawhin Yisu, oc dambo tanli dawhin in bocdinaŋ.

<sup>12</sup> Yac bu dalhac ŋanŋa têŋ ndoc ŋawapac tap yac sa, dec yac oc danem gôlin dawhin in.

Yac bu dasôm bu dati in ndê dom ma dasêc in ahuc, dec in oc sêc yac ahuc bocdinaŋ.

<sup>13</sup> Yac bu dakêŋ whin gwalec, tigen Yisu in Yom

Ñandô Ñadau, ma yom bocke nanj inj gic bata tu yac-nga, nanj oc kôm ñandô sa. Ñahu bu inj gitôm dom bu sêc dau ndê yom ahuc.

*Anötö ndê lau gwelen-nga si lêj*

<sup>14</sup> Yom honj dindec, am kêj lhac gôlôwac dabunj si gauc ñapanj e tidônj ñac. Yêc Anötö anjô-nga kêj puc ñac bu sêsenj dandi tu yom ñambwa-ñambwa-nga dom. Ñac bu sêsenj dau, dec oc ñandô mba, ma oc kôm lau ñatô si sêkêj whinj tisac. <sup>15</sup> Êmsahê ñanja bu kôm nem gwelenj honj bu ndic Anötö tandô ñayham. Ma inj oc lic am gitôm ñgac gwelen-nga ñayham nanj whê inj ndê yom ñandô sa ñapep, ma gêj danj oc kôm am mayam daôm dom. <sup>16</sup> Ndic ahê lau nanj sêjlninj Anötö sinj ma sem yomgalôm pi gêj ñambwa-ñambwa nom-nga ñapanj. Bu lau nanj sêsap yom kainj dinanj dôj, nanj si mêtê sac oc êjsôwec tiatu ñapanj e sêhu Anötö sinj gacgenj. <sup>17</sup> Ma yom dau oc tiapa ma kôm lau sêtisac, nditôm gambobôm sac nanj gêj lau tidac-tidac. Himeneus lu Piletus sêmbu lau dinanj si tonj ñalôm. <sup>18</sup> Inju sêhu yom ñandô sinj su. Sêsôm têtj lau bu ndoc lau sêtisa akêj lau batê-nga menj hôc asê su. Ma bocdinanj sêkôm lau ñatô si sêkêj whinj tisac.

<sup>19</sup> Magoc Anötö ndê yom ñandô inj gitôm alhö ñanja, nanj inj po inj ndê gôlôwac dabunj sa sêlhac ñahô. Ma inj kêj yom ñalhô dinda lu têtj yac bocdec bu, “Lau nanj sêti Pômdau ndê lau, nanj inj kêyalê ñac honj tidônj,” ma “Lau honj nanj sêsôm bu sêkêj whinj Pômdau, nanj sêhu mêtê sac honj sinj manj.”

<sup>20</sup> Wapa gwelen-nga tidau-tidau yêc ñgac ti lêlôm ndê andu ñalôm. Ñatô gic waê gwelenj tiwaê, ma ñatô gic waê gwelenj bambalinj. Gêj tiwaê sêmasanj

ɲa gol ma silba, ma gɛɲ waɛmba sɛmasaɲ ɲa a me nom. <sup>21</sup>Ma yɛc yac ɲamalac bocdinaɲ. Mɛtɛ daɛsam yɛc tu taɲkuc-ɲga. Asa naɲ timɛtɛ dau ɲapɛp ma hu mɛtɛ sac hoɲ siɲ, naɲ gitɔm gɛɲ naɲ sɛmasaɲ ɲa gol ma silba. Inj oc ti ɲgac akiɲ ɲayham ma dabuɲ bu nem akiɲ yac neɲ ɲadau, ma inj oc tɔm bu kɔm gwelɛɲ ɲayham-ɲayham daɛsam.

<sup>22</sup>Mɛtɛ ɲalɔm ɲagalac-ɲga naɲ balɛi sɛkɔm, naɲ hu siɲ gacgɛɲ. Ma ɛmkuc lɛɲ gitɛɲ ti mɛtɛ dakɛɲ whiɲ-ɲga ti atac whiɲ lau-ɲga ma lɛɲ yom malɔ-ɲga, tɔm lau naɲ sɛkɛɲ whiɲ Pɔmdau sɛkɔm ti ɲalɔm ɲawasi ɛɲ. <sup>23</sup>Lau naɲ sɛsɛɲ dau tu yom gauc mbasi-ɲga, naɲ ndic sɔɲ daɔm whiɲ ɲac dom. Bu yom kairɲ dinaɲ oc li lau sa ma sɛkɛɲ kisa dandi.

<sup>24</sup>Asa naɲ bu ti Pɔmdau ndɛ ɲgac akiɲ ɲayham, naɲ ndic ahɛ yom naɲ kɔm lau sɛsɛɲ dau-ɲga maɲ. Ma inj kɔc ndɛ ɲalɔm dɔɲ ma tac ɲandɛ ɲagahɔ tu gɛɲ naɲ lau sɛkɔm tɛɲ inj-ɲga, naɲ dom. ɲayham bu inj ɲgac tigauc naɲ gitɔm bu ɛndɔhɔɲ lau ɲatɔ, ma inj kɔm mɛtɛ malɔ ti ɲayham tɛɲ lau hoɲ. <sup>25</sup>Lau naɲ bu sɛsɛɲ Anɔtɔ ndɛ yom ɲandɔ, naɲ goc inj oc ɛndɔhɔɲ ɲac ti ndɛ ɲalɔm malɔ, bu mboe Anɔtɔ oc kɛɲ ɲac sɛnem si ɲalɔm kwi, ma whɛ ɲac si gauc sa e sɛɲyalɛ yom ɲandɔ. <sup>26</sup>ɲac oc sɛɲyalɛ bu muɲ-ɲga sɛpɛɲ sɛsip Sadaɲ ndɛ akɔ si, ma sɛti inj ndɛ lau akiɲ ɲambwa naɲ sɛkɔm tɔm inj atac whiɲ. Magoc ɲac bu si gauc sa ma sɛnem dau kwi, dec oc tɔm bu sɛhu Sadaɲ siɲ ma sɛsa Anɔtɔ ndɛ lɛɲ.

### 3

*Mɛtɛ sac tɛm ɲambu-ɲga-ɲga*

<sup>1</sup> Aö wasôm tênh am bu tênh têm nambu-nga mêtê sac daêsam oc meņ sa. <sup>2</sup> Lau oc atac whiņ dau ma atac whiņ mone hóc gêlêc, ηac oc sêpo dau sa ma sêsôm yom sêtoc dau sa-nga daêsam, sêsôm yom sac-sac daêsam, daņgapêc tênh damba ti dindai, sênem daņge lau naņ sêkêņ gêņ tênh ηac-nga dom, ma sêtec mêtê dabuņ ti mêtê gitêņ. <sup>3</sup> ηac oc atac whiņ lau dom ma sêsôm yom sac pi ηac, ma ηac oc sêsuc lau ηatô si yom kwi dom. ηac oc sênem gôliņ dau si lênh ηapep dom, sêkôm gêņ hoņ bambaliņ tôm si atac whiņ, sêndic lau ti sêkôm ηac ηayom, ma sêtec mêtê ηayham ti gêņ ηayham hoņ. <sup>4</sup> ηac lau sêpêņ biakiņ-nga, lau naņ si lênh saņsalaņ, ma lau sêtoc dau sa-nga. ηac atac whiņ Anötô dom, tigenη ηac atac whiņ gêņ ηayham-ηayham nom-nga hóc gêlêc su. <sup>5</sup> ηac sêsa si lênh gitôm sem akiņ Anötô, tigenη sêsêc iņ ndê ηaclai ahuc. Am mbo ahê lau kaiņ dinaņ hoņ. <sup>6</sup> Bu ηac si lau ηatô sêmbac yom lau e lau dau sêkôc ηac sa. Ma sêndôhônη ηac si yom tasanη tênh lauwhê gauc babalê, e lauwhê dau sêsôc ηac si yom ηapu. Lauwhê kaiņ dinaņ mêtê sac ti mêtê ηalôm ηagalac-nga gêm ηac si ηalôm ahuc. <sup>7</sup> ηac atac whiņ bu sêņgô yom daêsam, ma tac whiņ bu lau sêndôhônη ηac, magoc ηac si gauc sa dom pi yom bocke iņ yom ηandô. <sup>8</sup> Kêdôhônηwaga tasanη dinaņ sêkêņ kisa yom ηandô tôm Yanis lu Yambres sêkêņ kisa Moses.\* ηac si gauc tisac su, ma ηac si sêkêņ whiņ Anötô mbasi sambuc. <sup>9</sup> Magoc ηac si

---

\* **3:8:** Yanis lu Yambres - ηgac lu dinaņ si ηaê yac oc datap sa yêc Yom Lêņsêm Akwa dom. Magoc lau ηatô gauc gêm bu iņlu ηgac mbectoma lu naņ sêkôm gêņ dalô bu sêhóc gêlêc gêņ dalô naņ Moses kôm. Alic Eks 7:11, 22; ma 9:11.

gwelen oc nem nandô dom, nahu bu lau tiguaç hon oc sênjalê bu nac si lêt in lêt gauc mbasi-nga, tôm Yanis lu Yambres si lêt.

### *Pol gêm la Timoti*

<sup>10</sup> Am daôm kêyalê aô tidôn. Am kêyalê yom hon nañ aô kadôhôn, ti aneñ lêt gambo-nga, ma nahu bocke dec gakôm gwelen, aneñ lêt gakêñ whiñ-nga ti atac whiñ lau-nga, ma lêt galhac nanga ma gahôc nâwapac ti atac malô-nga. <sup>11</sup> Am kêyalê gêt hon nañ hôc asê aô yêc malac Antiok, malac Aikoniam ma malac Listra, ma nâwapac ti nandê hon nañ aô gahôc. Magoc Pômdau kêgaho aô su yêc gêt hon dinañ. <sup>12</sup> Yomandô wasôm têt am. Lau hon nañ sêkêñ whiñ Yisu Kilisi, ma atac whiñ bu sêsa lêt gitêt, nañ lau oc sêkêñ kisa nac bocdinañ. <sup>13</sup> Ma lau sac ti lau tasan si lêt sac oc tisac sambuc. Nac oc sênsau lau ma lau oc sênsau nac.

<sup>14</sup> Ma am daôm, yom nañ am kêtôhôn ma kêt whiñ su, nañ sap dôñ. Nahu bu lau nañ sêndôhôn am, nañ am kêyalê nac ti nac si lêt gitêt su. <sup>15</sup> Têt ndoc am mbo balê, nañ am kêyalê Anötö ndê yom dabuñ nañ sêto yêc nañ. Yom dau gitôm bu kêt gauc têt yac e dakêñ whiñ Yisu Kilisi ma datap Anötö ndê mwasin nem lau si-nga sa. <sup>16</sup> Ma Anötö ndê yom hon nañ sêto yêc nañ, in ndê Nalau gêm gôlin lau dec sêto. Bocdinañ yom dau in nâham bu tandôhôn têt lau, tu datôc lau si giso asê ma tamatôc nac-nga, ma tu dawhê Anötö ndê lêt gitêt sa-nga. <sup>17</sup> Yac dakôm bocdinañ tu bu Anötö ndê lau sênjalê in ndê yom hon tidôn, ma yom dau nem nac sa e sêkôm si gêt sambob nâpêp eñ.



## 4

<sup>1</sup> Am kêyalê bu Yisu Kilisi oc mbu meŋ ti ŋaclai atu bu nem gôliŋ gêŋ hoŋ, ma iŋ oc êŋsahê lau tali ma lau batê pi ŋac si mêtê. Yêc iŋ aŋgô-ŋga, ma yêc Anötö aŋgô-ŋga, aö bu wandic yomsu am bocdec bu. <sup>2</sup> Nem mêtê lau, ma whê Anötö ndê yom sa têŋ ŋac tôm têm hoŋ. Kêŋ puc lau bu sêkôm sac dom, ma ŋac naŋ sêkôm giso, naŋ tôc ŋac si giso asê e sêkac si ŋalôm kwi. Êmgilí lau hoŋ bu sêlhac ŋaŋga. Puc daôm dôŋ ma lhac ŋaŋga ti atac pa su. Ma whê gêŋ hoŋ sa yêc awê têŋ lau. <sup>3</sup> Bu têm oc meŋ sa, naŋ lau oc sêtec bu sêŋgô yom ŋandô pi Anötö ndê lêŋ. Magoc ŋac oc atac whiŋ bu sêŋgô yom naŋ puc ŋac dôŋ bu sêkôm mêtê sac-sac tôm ŋac dau si atac whiŋ. Tu dinaŋ-ŋga dec ŋac oc sêsap kêdôhônŋwaga tasaŋ dôŋ, ma sêhê daŋga ŋac si yom ŋapep eŋ. <sup>4</sup> Ŋac oc sêpôc daŋgasuŋ ahuc têŋ yom ŋandô, ma tac whiŋ bu sêŋgô lau andô si miŋ ŋambwa-ŋambwa.

<sup>5</sup> Magoc am ŋgac daôm ŋgô. Yob daôm bu kôm gêŋ hoŋ ti gauc eŋ. Hôc ŋawapac ti atac pa su, hoc ŋawaê ŋayham asê têŋ lau, ma kôm am nem gwelen nem akiŋ Anötö-ŋga hoŋ ŋapep ma ti atac whiŋ.

<sup>6</sup> Ma aö dauŋ dec, kasahê bu têm meŋ kêpiŋ bu wahu nom dindec siŋ. Aneŋ têm wambo nom-ŋga gitôm laclhu wain-ŋga naŋ sêkêc pi alta ti da têŋ Anötö, ma kêpiŋ bu pacndê. <sup>7</sup> Aö galhac ŋaŋga ma gac siŋ tu Anötö ndê yom ŋayham-ŋga, aö kati e gahôc asê ŋabatiŋ su, ma gakôc aneŋ gakêŋ whiŋ dôŋ. <sup>8</sup> Pômdau, yac neŋ ŋgac gitêŋ êmatôc yac-ŋga kêmasaŋ ŋaôli ŋayham bu kêŋ têŋ lau gitêŋ têŋ bêc ŋambu-ŋga. Ma malô aö watap ŋaôli ŋayham dau sa.

Magoc aö tañwasêñ dom. Lau hoñ nañ sêkêñ bata Yisu bu mbu meñ, nañ oc sêtap si ñaôli ñayham sa bocdinañ.

*Pol tac whiñ bu Timoti têñ inñ ndi*

<sup>9</sup> Aö tac whiñ bu am êmasañ daôm ñagahô ma têñ aö mwenj. <sup>10</sup> Bu aö kakiñ Kresens têñ gameñ Galesia-ñga gi, ma Taitus têñ gameñ Dalmesia-ñga gi. Ma Demas hu aö siñ ma kölhô têñ malac Tesalonika gi, ñahu bu inñ tac whiñ gêñ nom-ñga hóc gêlêc su. <sup>11-12</sup> Aö kakiñ Tikikus têñ malac Epesas gi su, ma Luk tawasê dec mbo whiñ aö. Têñ ndoc am mwenj, goc kôc Mak whiñ am, bu inñ ñgac ñayham bu nem aö sa tu aneñ gwelen-ñga. <sup>13</sup> Ma kôc aneñ ñakwê baliñ nañ gahu siñ whiñ Kapus yêc malac Troas, ma kôc aneñ bapia tilhuñ. Ma aö tac whiñ ñandô bu am kôc aneñ bôc ñamlic ñatô, nañ sêto Anötö ndê yom pi, nañ whiñ.

<sup>14</sup> Aleksanda, ñgac pec ain-ñga dinañ, inñ kêñ kisa aö ma kôm mêtê sac daêsam têñ aö. Pômdau oc kêñ ñagêyô têñ inñ, êñkuc inñ ndê mêtê sac. <sup>15</sup> Yob daôm tu inñ-ñga, bu inñ kêñ kisa yac tu gwelenj ñawaê ñayham-ñga, ma kalhac lau ahuc bu sêñgô dom.

<sup>16</sup> Têñ ndoc ñamata-ñga nañ lau Rom-ñga sêmatôc aneñ yom, nañ lau dañ sêpuc aö dôñ dom, hoñ sêhu aö siñ. Magoc aö wateñ Anötö bu suc ñac si giso kwi. <sup>17</sup> Têñ ndoc dinañ Pômdau dau kalhac whiñ aö ma puc aö dôñ, dec gam mêtê hoñ timala ma ñlau gameñ apa-ñga hoñ nañ sêmbu andu sêmatôc yom-ñga, nañ sêñgô. Ma inñ kêgaho aö su yêc layon

whasuj.\* <sup>18</sup> Ma aö gakêñ whiñ bu iñ oc nem aö si yêc gêñ hoñ nañ lau sac bu sêkôm têtñ aö, ma kêñ aö wandöc ñayham yêc iñ ndê gameñ undambê-ñga. Dahoc iñ ndê waê asê kwahic dec ma tòm bêc hoñ ndi. Yomandô!

*Yom ñambu-ñga*

<sup>19</sup> Kôm aneñ acsalô ñayham têtñ Prisila lu iñ nakweñ Akwila ma têtñ lau hoñ nañ sêmbo Onesiporas ndê andu. <sup>20</sup> Erastas gacgeñ mbo malac Korin, ma gahu Tropimus siñ mbo malac Miletus, bu iñ gêm bac. <sup>21</sup> Aö tac whiñ bu am mweñ ñagahô, ma hôc asê dindec muñ su, nañ goc ndoc uhô-ñga. Yubelas lu Pudens, ma Lainas lu Klaudia ma asidôwai gameñ dindec-ñga hoñ sêkêñ si acsalô têtñ am. <sup>22</sup> Pômdau whiñ am ma iñ ndê mwasiñ puc mac hoñ dôñ.

---

\* **4:17:** Pol sôm bu Pômdau gêm iñ sa bu layon señ iñ dom. Têtñ têtñ dinañ lau nañ sêkêñ kisa lau sêkêñ whiñ-ñga nañ sêkêñ daêsam têtñ layon señ ñac. Tigeñ ñac sic yao bu sêkêñ lau Rom-ñga têtñ layon dom. Pol iñ ñgac Rom-ñga (Apo 16:37) ma tu dinañ-ñga lau atu-tu gauc gêm bu Pol ndê yom dinañ iñ gitôm yom göliñ, ma lau sac nañ sêkêñ kisa iñ, nañ iñ gêm dôhôn ñac pi layon.

**Anötö ndê Yom Lêṛsêṃ Wakuc**  
**The New Testament in the Bukawa language of Papua**  
**New Guinea**  
**Nupela Testamen long tokples Bukawa long Niugini**

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

---

PDF generated using Haiola and XeLaTeX on 21 Feb 2024 from source files dated 31 Aug 2023

545e5ca3-1e95-59e4-8380-93951e023cf7